

# JUDAS

## jóaripũ

### Ñãuduticorigue

<sup>1</sup>Yũũ Judas Jesucristore pade-cotegũ, Santiago bai múãrẽ ãñu-dutia. Múã marĩ Pacũ Cõãmacũ beserira, cũũ maĩrá niĩã. Jesu-cristo múãrẽ cotequi.

<sup>2</sup>Cõãmacũ múãrẽ bóaneõ ñã-nemoãrõ; ãñurõ niirecutiri tiine-móãrõ; cãmerĩ maĩrĩ tiinemóãrõ.

### Jĩĩditoremena buerá tiirécutirigue

(2 Pe 2.1-7)

<sup>3</sup>Yũũ maĩrá, Cõãmacũ yũũre, teero biiri múãrẽ netõnérigũ ni-iwĩ. Marĩ netõnére maquẽrẽ múã-rẽ bayirõ wededugagũ, jóagũdu tiimíãwũ. Jóaria ména. Apeyé maquẽ jóaro niirõ tia. Jesuré padeoré maquẽrẽ wedewisiora múã pũtopũ jeayira. Teero tiigũ, jóaa. Cõãmacũ marĩ padeoré maquẽrẽ marĩ Jesuré padeoráre cúũrigũ niiwĩ. Cũũ cúũrigue wasorícu. Teero tiirá, tutuaremena padeoró booa. <sup>4</sup>Múã ñãmasĩripacari, jĩĩ-ditoremena buerá múãmena neã-nũcãyira. Cũã ate tiiróbiro jĩĩcu: “Cõãmacũ marĩ cũũrẽ padeoráre ãñurõ tiijĩgũ, marĩrẽ ñãñarõ ne-tõrĩ tiirĩqui”, jĩĩcu. Teero tiirá, cũã ñãñaré tiirére duurícu. Jesucristo marĩ Õpũ sĩcũ niigũrẽ

boorícu. Cõãmacũ tíatopũ “cũãno pecamerũ wáaada-cua” jĩĩtoayigũ.

<sup>5</sup>Teero tiigũ, yũũ múã masĩpe-tiriguere wácũrĩ tiidugága sũcã. Ateré wácũsũgueya: Marĩ Õpũ niipetira Israelya põna macãrã-rẽ Egiptopũ wionécoyigũ. Too síro cũũrẽ padeohérare diari ti-iyigũ. <sup>6</sup>Ángeleare wáarigüecãrẽ wácũña: Cũã ñũmãsepe tutuare, dutirére cũpacára, teeré duu, cũã booró tiirá wáayira. Cõãma-cũ cũãrẽ cõmedári cũã jõãmasĩ-hèredarimena siatúcũdutyigũ sáa. Naĩtĩãrõpũ niicua, téé Cõã-macũ cũãrẽ wapa tiídari bure-co jearipũ. <sup>7</sup>Ángelea ñãñarõ ñeeaperirobiro Sodoma macãrã, Gomorra macãrã, teemacãrĩ we-sari macãrãcã teerora tiiyíra. Õmũá dícu numiãmena tiiréno-rẽ tiiyíra. Cõãmacũ teemacãrĩrẽ sóecõãyigũ sáa. “Niipetira ñãña-rá cũã tiiróbirora pecame peti-hérimepe ñãñarõ tiinóãdacua” jĩĩrere masĩsũguedutigũ, cũãrẽ teero tiirigũ niiwĩ.

<sup>8</sup>Múãrẽ jĩĩditoremena buerá teerora tiicúa: Cũã booró wã-cũãmajãcu. Cũã wácũrõbirora tii, cũã basiro cũãye õpũũrĩrẽ ñãnocúa; Cõãmacũ dutirére boorícu; ɸpũtĩ macãrã ãñurãrẽ

ñañarõ jĩicua. <sup>9</sup>Miguel ángeleare dutigú Satanámena cãmerí jĩĩrĩ, ate wáayiro: Cũácõrõ Moisésnigũya õpũũrẽ boomíyira. Miguel basiro Satanárẽ ñañarõ jĩĩriyigu. “Mũũ Cõãmacũrẽ netõnucágũ peti niĩã”, jĩĩriyigu. Biirope jĩĩyigu: “Yũũ Õpũ mũũrẽ mũũ ñañaré tiirere wedearõ”, jĩĩyigu. <sup>10</sup>Múãrẽ jĩĩditoremena buerápeja añurõ tuomasíripacara, ñañarõ wedesecua. Apeyé cúa boorere tiicúa. Wáicuracã teerora tiicúa. Tuomasíhẽrãrã cúa tiirẽmena cúa yeeripũnarĩrẽ ñañorí tiíadacua.

<sup>11</sup>Bóaneõrã niĩya cúa. Caín<sup>a</sup> tiiróbiro ñañaré tiicúa. Balaam<sup>b</sup> tiiróbiro noo booró tiíadacua niyeru maĩrá. Coré<sup>c</sup> tiiróbiro Cõãmacũrẽ netõnucãrã diajõãadacua. <sup>12</sup>Múã Jesucristore padeorã neã, yaaritabe, cúa múãrẽ bayiró booro wáari tiicúa. Cuiro maniró cúa booró yaa, yapijãcua. “¿Yaaré niipetirare jeatuai?” jĩĩ wãcũricua. Cúa õme oco maniré, wĩno néewanore tiiróbiro niicua; basocáre tiíapurica. Ducacutirito, cúa ducamanire yucu tiiróbiro niicua. Nũcõrĩmena wããrigue yucu tiiróbiro niicua. <sup>13</sup>Cúa boboro tiirécũtire sobo jũĩrĩpĩrere ocoturí día wesa páaputucore tiiróbiro niicua. Ñocõã noo booró wáa, ditirãbiro niicua. Cõãmacũ cũãrẽ naĩtĩãrõpũ cúa niirucuarõpũ “wáadutiguda” jĩĩtoarigu niuwĩ mée.

<sup>14</sup>Enoc jĩĩditoremena bueráre wáaadarere wedeyigu. Cũũ profeta niuwĩ. Cũũ Adán pãrãmi niinũnũsegũ niyigu; seis põnarĩ siro macũ niyigu. Cũũ biiro wederigu niuwĩ: “Marĩ Õpũ pau ángeleamena atigũdaqui. <sup>15</sup>Cũũ niipetira basocã tiiriguere besegũdaqui. Ñañarã niipetire cúa ñañaré tiiriguere, cúa cũũrẽ ñañarõ jĩĩriguere besegũdaqui. Cúa ñañaré tiirígue wapa cũãrẽ pecamepũ cõãgũdaqui”, jĩĩ wedesugueyigu Enoc. <sup>16</sup>Múãrẽ jĩĩditoremena buerã niipetire ãpẽrã tiirere ñañarõ wedesecua; wedepatirepira niicua. Cúa tũsaré dícuere tiidũgãcua. Cúa tiirere bayiró bũsrõmena wedetũsacua. Cũãrẽ tiíapũmasĩrãrẽ jĩĩditoremena usenipeocua, cúaũyere cõodũgãra.

#### Jesuré padeorãre wederigue

<sup>17</sup>Yũũ maĩrá, múãpeja marĩ Õpũ Jesucristo cũũyere wededutigu beserira wedesugueriguere wãcũña. <sup>18</sup>Múãrẽ ateré wedecowa: “Atibũreco petiãdari suguero maquẽ bũrecoripũre Cõãmacũyere buijããadacua. Cúa booró dícu tiidũgãra, ñañaré tiirere tiíãmajããadacua”, jĩĩcowa. <sup>19</sup>Cũãrã Jesuré padeorãre batarĩ tiicúa. Cúa booró tiicúa. Espĩritu Santore cõorĩcua.

<sup>20</sup>Yũũ maĩrá, múãpeja Jesuré nemoró padeó, wãcũtutuarucujã-

<sup>a</sup>1.11 Génesis 4.1-16. <sup>b</sup>1.11 Números 22.1-35; Apocalipsis 2.14.

<sup>c</sup>1.11 Números 16.1-35.

ña. Múã padeoré diamacú niiré niia. Cõamacũrẽ sãirá, Espiritu Santo masiré ticorémèna sãĩñá. <sup>21</sup> Cõamacú múãrẽ maírére wácú-rã, maíórãbiro niña. Marí Òpũ Jesucristo múãrẽ bóaneõ ññagũ, cũũmena catiré petihére ticogudaqui. Cũũ ticoadarere useniremena coteya.

<sup>22</sup> Æpẽrá Jesucristoyere “¿diamacúrá niigariye?” jĩrãrẽ añurõmena wedeya. <sup>23</sup> Æpẽrá jĩĩditoremena buerére nũnrãrẽ quẽnojeári tiiyá; basocá pecamepũ jũũrãrẽ netõnérã tiiróbiro tiiyá. Æpẽrá ñañaré tiiríporare tiiapudugara, bóaneõ ññaña. Múãpũ cãã ñañaré tiirére pẽnirí jĩrã, cãã teero tiirére bayiró booríjãña.

### Cõamacũrẽ usenipeore

<sup>24-25</sup> Cõamacú marĩrẽ netõnégũ sícũrã niiqui. Múã ñañaré tiirí jĩngũ, cotemasiqui. Tee coterémèna múã ñañaré manirá cũũ pũtopũ jeari tiimasiqui. Múãrẽ toopú cũũ añurõ asibatéropũ usenirí tiigúdaqui. Teero tiirá, Jesucristo marí Òpũ tiiapuremena niipetira Cõamacũrẽ ateré jĩĩãrõ: “Mũũ niipetirere dutimasã; mũũ añunetõjõãgũ niia; mũũ tiidugãrere tiimasã; mũũ niipetire dutirére cõoa”, jĩĩãrõ. “Mũũ too sugueropũ teero niirigũ niiwũ; atitóre teorora niia; too síropũ teorora niigũdacu”, jĩĩãrõ. Tee niipetire niĩãrõ.

Nocõrõrã jóaa.